

cias, e á vista do informe do coordinador científico do Mupega, da proposta formulada polo secretario xeral desta consellería, de que os proxectos aos cales están vinculados os bolseiros requiren do seu labor, e que ningún deles esgotou o período máximo previsto na convocatoria, incluíndo esta

#### RESOLVO:

Primeiro.-Conceder a prórroga das axudas para as dúas bolsas de colaboración en diversos proxectos de museísmo pedagóxico que se están a desenvolver no Museo Pedagóxico de Galicia (Mupega), ás persoas que se relacionan nos anexos I e II, polo período que media entre a data do 1 de xaneiro de 2009 e o 30 de xuño de 2009.

Segundo.-A dotación de cada bolsa será a mesma que no ano 2008, polo que o resultado total das dúas bolsas, a 900 €/mes, ascende a 10.800 €.

Os custos do seguro de asistencia médica e de accidentes para todos os bolseiros ascenderán a 288 €.

Terceiro.-A inobservancia por parte dos beneficiarios de calquera das bases establecidas na orde da convocatoria do 14 de febreiro de 2006 suporá a perda do dereito a percibir a subvención correspondente.

Cuarto.-As subvencións faranse efectivas aos beneficiarios por mensualidades vencidas, logo de presentación dun informe do coordinador científico do Mupega.

Antes do último pagamento deberán presentar, ademais, declaración complementaria do conxunto das axudas solicitadas, tanto as aprobadas ou concedidas como as pendentes de resolución, para o mesmo fin, das distintas administracións públicas competentes ou calquera dos seus organismos, entes ou sociedades.

Quinto.-Contra esta orde poderán os interesados interpoñer potestativamente recurso de reposición ante o mesmo órgano no prazo dun mes, contado a partir do día seguinte ao da publicación desta orde no *Diario Oficial de Galicia*, ou ben directamente recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados a partir do día seguinte ao da publicación desta orde no *Diario Oficial de Galicia*.

Santiago de Compostela, 2 de xaneiro de 2009.

Laura Sánchez Piñón  
Conselleira de Educación e Ordenación  
Universitaria

#### ANEXO I

| Nome e apelidos     | Tipo de bolsa  |
|---------------------|--|
| Ana Martínez Arenaz | Proxecto de inventario e catalogación de fondos mobles do Mupega |

#### ANEXO II

| Nome e apelidos     | Tipo de bolsa   |
|---------------------|---|
| Luis Valle Regueiro | Proxecto de investigación e documentación histórico-educativa |

*Resolución do 7 de xaneiro de 2009, da Dirección Xeral de Formación Profesional e Ensinanzas Especiais, pola que se convocan de xeito ordinario probas de acceso aos ciclos formativos de grao medio e de grao superior de formación profesional en centros docentes sostidos con fondos públicos, para o ano 2009.*

O punto 1 do artigo 3 da Orde do 2 de decembro de 2008, pola que se regulan as probas de acceso aos ciclos formativos de formación profesional do sistema educativo, establece que a Consellería de Educación e Ordenación Universitaria convocará de xeito ordinario e con carácter anual probas de acceso a ciclos formativos de grao medio e de grao superior por medio de resolución da Dirección Xeral de Formación Profesional e Ensinanzas Especiais, ás que poderán concorrer as persoas que non cumpran os requisitos académicos que permitan o acceso directo aos ciclos formativos.

A disposición derradeira primeira da devandita orde autoriza a Dirección Xeral de Formación Profesional e Ensinanzas Especiais para ditar as instrucións que sexan necesarias para o desenvolvemento e a aplicación do previsto nela.

Na súa virtude, esta dirección xeral

#### RESOLVE:

Anunciar a convocatoria ordinaria para o ano 2009 de realización das probas de acceso a ciclos formativos de grao medio e de grao superior de formación profesional inicial, consonte as seguintes disposicións:

#### CAPÍTULO I

##### CICLOS FORMATIVOS DE GRAO MEDIO

Primeiro.-*Datas e lugares de inscrición das probas de acceso.*

1. A solicitude de inscrición para as probas de acceso aos ciclos formativos de grao medio presentárase por duplicado na secretaría de calquera dos institutos de educación secundaria ou centros integrados de formación profesional onde se impartan ciclos formativos de formación profesional, no prazo comprendido entre os días 2 e 13 de marzo de 2009, ambos os dous incluídos, segundo o modelo do anexo I recollido na orde do 2 de decembro 2008, pola que se regulan as probas de acceso aos ciclos formativos de formación profesional do sistema educativo. O centro que tramite a devandita solicitude deberalle entregar á persoa solicitante unha copia selada desta.

2. Estes centros tramitarán a información referente ao alumnado participante nas probas de acceso a ciclos formativos a través da aplicación informática

facilitada pola Dirección Xeral de Formación Profesional e Ensinanzas Especiais.

3. O alumnado que estea a cursar un programa de cualificación profesional inicial poderá solicitar exención da parte científico-técnica no momento de se inscribir para a proba. Para iso deberá presentar, xunto coa solicitude de inscrición para a proba, unha certificación acreditativa de estar cursando as devanditas ensinanzas, segundo o anexo I desta resolución. A certificación será expedida polo centro onde estea a cursar o PCPI. A concesión da referida exención quedará condicionada a que a persoa aspirante supere todos os módulos obrigatorios antes da data de realización da proba.

*Segundo.-Publicación de listaxes provisionais e definitivas de persoas admitidas e excluídas, de exención, de probas adaptadas, de cualificacións e de lugares de realización da proba.*

Quen desexar información puntual no relativo ás publicacións en todo o proceso do desenvolvemento das probas de acceso poderá dirixirse ao lugar onde realizase a súa inscrición, ao centro onde realice as probas ou ben á páxina web <http://www.edu.xunta.es/fp>, onde se publicarán as listaxes correspondentes. Estas listaxes terán efectos de comunicación ás persoas que presenten reclamación.

*Terceiro.-Relacións provisionais e definitivas de persoas admitidas e excluídas ás probas.*

1. A relación provisoria de persoas admitidas e excluídas para a realización da proba farase pública o día 17 de marzo. Esta listaxe dará información sobre a documentación presentada. No caso das exclusións farase indicación expresa do motivo que as ocasione.

2. Poderanse presentar reclamacións contra a listaxe provisoria desde o día 18 ao 24 de marzo, ambos os dous incluídos, no mesmo centro onde se realizase a inscrición. Así mesmo, durante o período de reclamación poderase achegar a documentación pendente de entrega.

3. A relación definitiva de persoas admitidas e excluídas para a realización da proba farase pública o día 26 de marzo.

*Cuarto.-Comisións de realización das probas de acceso.*

De acordo co establecido nos artigos 3.5º, 7.1º e 7.2º da Orde do 2 de decembro de 2008, con anterioridade ao 25 de marzo cada delegación provincial da Consellería de Educación e Ordenación Universitaria comunicará por escrito á Dirección Xeral de Formación Profesional e Ensinanzas Especiais o seguinte:

-O nome do inspector ou a inspectora responsable provincial das probas de acceso.

-A relación de centros públicos onde se vaian constituír as comisións de realización das probas, así como os centros adscritos. O día 1 de abril farase pública esta listaxe en cada un dos centros onde se realice a inscrición e na páxina web <http://www.edu.xunta.es/fp>

-A relación das persoas integrantes das comisións de realización das probas, con detalle das funcións ou as tarefas que desempeñarán en cada caso.

*Quinto.-Tramitación e resolución das solicitudes de exención e de proba adaptada.*

1. A dirección do centro remitirá á Subdirección Xeral de Xestión e Calidade da Formación Profesional, o 25 de marzo, a relación de persoas solicitantes de exención e/ou de proba adaptada, así como calquera outra petición que as persoas solicitantes fagan constar na súa solicitude de inscrición, xunto coa documentación orixinal achegada por cada solicitante (o centro quedará con copia desta). O centro asegurase de que a devandita documentación chegue á subdirección xeral, como data límite, o día 31 de marzo. A documentación das persoas inscritas que non solicitasen exención, proba adaptada nin calquera outra petición será arquivada no propio centro educativo.

2. A resolución provisoria de exencións e de probas adaptadas farase pública o día 7 de abril. No caso de resolución denegatoria, figurará na listaxe a causa da denegación.

3. Contra estas resolucións provisionais as persoas interesadas poderán presentar reclamación os días 14, 15 e 16 de abril, ante o presidente ou a presidenta do tribunal avaliador das probas, no centro onde se realizase a inscrición. As secretarías dos centros cargarán na aplicación as referidas reclamacións e remitiranas, por vía de urxencia, xunto coa documentación que as persoas solicitantes acheguen, á Subdirección Xeral de Xestión e Calidade da Formación Profesional, de xeito que se asegure a súa recepción o día 22 de abril.

4. A resolución definitiva farase pública o día 24 de abril.

5. O día 29 de maio será o límite máximo para que os centros xustificuen, a través da aplicación informática, se o alumnado ten superados ou non os módulos obrigatorios do programa de cualificación profesional inicial. Así mesmo, entregaranlle un certificado, conforme o anexo II, que reflecta tal situación, que o alumnado achegará como xustificante para facer valer a exención da parte científico-técnica o día de realización da proba.

*Sexto.-Realización das probas de acceso.*

1. As probas de acceso aos ciclos de grao medio terán lugar o día 3 de xuño de 2009 no horario que se indica a seguir:

-Ás 9.00 horas: presentación.

-Das 10.00 ás 11.30 horas: parte matemática.

-Das 12.00 ás 14.00 horas: parte sociolingüística.

-Das 16.30 ás 18.30 horas: parte científico-técnica.

2. As persoas inscritas deberán presentar, para a realización da proba, o seu documento oficial de identidade e a copia da folia da solicitude de inscrición. Así mesmo, quen superase o programa de cualificación profesional inicial entregará o certificado que así o acredite.

Sétimo.-*Publicación das cualificacións.*

1. Os resultados das cualificacións provisorias das probas de acceso aos ciclos formativos de grao medio publicaranse o día 11 de xuño.

2. Poderanse presentar reclamacións contra a cualificación provisoria os días 12, 15 e 16 de xuño, ante o presidente ou a presidenta do tribunal avaliador, no centro onde se realizase a inscrición ou naquel onde se realizase a proba. Neste mesmo período, os centros cargarán na aplicación informática as reclamacións que se realizasen coa finalidade de proceder á súa revisión.

3. A cualificación definitiva publicarase o día 25 de xuño.

Oitavo.-*Emisións de certificacións.*

1. Todas as persoas participantes nas probas de acceso poderán solicitar as certificacións de realización da proba nos centros onde as realizasen, a partir do día seguinte ao da publicación das cualificacións definitivas.

2. No caso de superación total da proba, a certificación que o acredite dará acceso a calquera ciclo formativo de grao medio, nas condicións de admisión que se establezan.

3. Ao alumnado que non supere a proba na súa totalidade, esta certificación permitiralle manter as cualificacións obtidas nas partes superadas en futuras convocatorias de probas de acceso a ciclos formativos de grao medio, durante un máximo de dous anos, na Comunidade Autónoma de Galicia.

4. A certificación deberá recoller, pola súa vez, as posibles exencións outorgadas, que manterán a súa validez para futuras convocatorias, sempre que se manteñan as mesmas circunstancias.

Noveno.-*Recursos.*

Contra a listaxe definitiva de persoas admitidas, a resolución definitiva de exencións, a resolución definitiva de probas adaptadas e as cualificacións definitivas da proba de acceso poderase interpor recurso de alzada no prazo dun mes, contado a partir do día seguinte ao da publicación da correspondente listaxe definitiva, ante o director ou a directora xeral de Formación Profesional e Ensi-

nanzas Especiais da Consellería de Educación e Ordenación Universitaria, segundo o disposto nos artigos 114 e 115 da Lei 4/1999, de modificacións da Lei 30/1992, de réxime xurídico das administracións públicas e do procedemento administrativo común.

CAPÍTULO II

CICLOS FORMATIVOS DE GRAO SUPERIOR

Décimo.-*Datas e lugares de inscrición das probas de acceso.*

1. A solicitude de inscrición para as probas de acceso aos ciclos formativos de grao superior presentárase por duplicado na secretaría de calquera dos institutos de educación secundaria ou centros integrados de formación profesional onde se impartan ensinanzas de ciclos formativos de formación profesional (agás o CIFP Rodolfo Ucha Piñeiro, de Ferrol), no prazo comprendido entre os días 19 e 30 de xaneiro de 2009, ambos os dous incluídos, segundo o modelo do anexo II recollido na Orde do 2 de decembro de 2008, pola que se regulan as probas de acceso aos ciclos formativos de formación profesional do sistema educativo. O centro que tramite a devandita solicitude deberalle entregar á persoa solicitante unha copia selada desta.

2. Estes centros tramitarán a información referente ao alumnado participante nas probas de acceso a ciclos formativos a través da aplicación informática facilitada pola Dirección Xeral de Formación Profesional e Ensinanzas Especiais.

Décimo primeiro.-*Publicación de listaxes provisorias e definitivas de persoas admitidas e excluídas, de exención, de probas adaptadas, de cualificacións e de lugares de realización da proba.*

Quen desexar información puntual no relativo ás publicacións en todo o proceso de desenvolvemento das probas de acceso poderá dirixirse ao lugar onde realizase a súa inscrición, ao centro onde realice as probas ou ben á páxina web <http://www.edu.xunta.es/fp>, onde se publicarán as listaxes correspondentes. Estas listaxes terán efectos de comunicación ás persoas que presenten reclamación.

Décimo segundo.-*Relacións provisorias e definitivas de persoas admitidas e excluídas ás probas.*

1. A relación provisoria de persoas admitidas e excluídas para a realización da proba farase pública o día 3 de febreiro. Esta listaxe dará información sobre a documentación presentada. No caso das exclusións farase indicación expresa do motivo que as ocasione.

2. Poderanse presentar reclamacións contra a listaxe provisoria desde o día 4 ao 6 de febreiro, ambos os dous incluídos, no mesmo centro onde se realiza a inscrición. Así mesmo, durante o período de

reclamación poderase achegar a documentación pendente de entrega.

3. A relación definitiva de persoas admitidas e excluídas para a realización da proba farase pública o día 10 de febreiro.

Décimo terceiro.-*Comisións de realización das probas de acceso.*

De acordo co establecido nos artigos 3.5º, 7.1º e 7.3º da Orde do 2 de decembro 2008, con anterioridade ao 9 de febreiro, cada delegación provincial da Consellería de Educación e Ordenación Universitaria comunicará por escrito á Dirección Xeral de Formación Profesional e Ensinanzas Especiais o seguinte:

-O nome do inspector ou a inspectora responsable provincial das probas de acceso.

-A relación de centros públicos onde se vaian constituír as comisións de realización das probas, así como os centros adscritos. O día 13 de febreiro farase pública esta listaxe en cada un dos centros onde se realice a inscrición e na páxina web <http://www.edu.xunta.es/fp>

-A relación das persoas integrantes das comisións de realización das probas, con detalle das funcións ou as tarefas que desempeñarán en cada caso.

Décimo cuarto.-*Tramitación e resolución das solicitudes de exención e de proba adaptada.*

1. A dirección do centro remitirá á Subdirección Xeral de Xestión e Calidade da Formación Profesional, o 9 de febreiro, a relación de persoas solicitantes de exención e/ou de proba adaptada, ou calquera outra petición que a persoa solicitante faga constar na súa solicitude de inscrición, xunto coa documentación orixinal achegada por cada solicitante (o centro quedará con copia dela). O centro asegurárase de que a devandita documentación chegue á subdirección xeral, como data límite, o día 12 de febreiro. A documentación das persoas inscritas que non solicitasen exención, proba adaptada nin calquera outra petición será arquivada no propio centro educativo.

2. A resolución provisoria de exencións e de probas adaptadas farase pública o día 18 de febreiro. No caso de resolución denegatoria, figurará na listaxe a causa da denegación.

3. Contra estas resolucións provisorias a persoa interesada poderá presentar reclamación os días 19, 20 e 26 de febreiro, ante o presidente ou a presidenta do tribunal avaliador das probas, no centro onde se realizase a inscrición. As secretarías dos centros cargarán na aplicación as devanditas reclamacións e remitiran, por vía de urxencia, xunto coa documentación que a persoa solicitante achegue, á Subdirección Xeral de Xestión e Calidade da Formación Profesional, de xeito que se asegure a súa recepción o día 3 de marzo.

4. A resolución definitiva farase pública o día 9 de marzo.

Décimo quinto.-*Realización das probas de acceso.*

1. As probas de acceso aos ciclos de grao superior terán lugar o día 3 de abril de 2009 no horario que se indica a seguir:

-Ás 9.00 horas: presentación.

Parte común da proba.

-Das 10.00 ás 11.30 horas: matemáticas.

-Das 12.00 ás 14.00 horas: lingua galega e lingua castelá.

Parte específica da proba.

-Das 16.30 ás 18.30 horas: materias específicas da opción vinculada ao ciclo formativo ao cal se desexe acceder, segundo o anexo III desta resolución.

2. As persoas inscritas deberán presentar, para a realización da proba, o seu documento oficial de identidade e copia da folla da solicitude de inscrición.

Décimo sexto.-*Publicación das cualificacións.*

1. Os resultados das cualificacións provisorias das probas de acceso aos ciclos formativos de grao superior publicaranse o día 23 de abril.

2. Poderanse presentar reclamacións contra a cualificación provisoria os días 24, 27 e 28 de abril, ante o presidente ou a presidenta do tribunal avaliador, no centro onde se realizase a inscrición ou naquel onde se realizase a proba. Neste mesmo período, os centros cargarán na aplicación informática as reclamacións que se realizasen coa finalidade de proceder á súa revisión.

3. A cualificación definitiva publicarase o día 8 de maio.

Décimo sétimo.-*Emisión de certificacións.*

1. As persoas participantes nas probas de acceso poderán solicitar as certificacións de realización da proba nos centros onde as realizasen, a partir do día seguinte ao da publicación das cualificacións definitivas.

2. No caso de superación total da proba, e en función da opción elixida, a certificación incluírá a relación de familias profesionais en que se posibilitará o acceso a ciclos formativos de grao superior, nas condicións de admisión que se establezan.

3. Para o alumnado que non superase a proba na súa totalidade, esta certificación permitiralle manter as cualificacións obtidas nas partes superadas en futuras convocatorias de probas de acceso a ciclos formativos de grao superior, durante un máxi-

mo de dous anos, na Comunidade Autónoma de Galicia.

4. As certificacións recollerán, pola súa vez, as posibles exencións outorgadas, que manterán a súa validez para futuras convocatorias, sempre que se manteñan as mesmas circunstancias.

#### Décimo oitavo.-*Recursos.*

Contra a listaxe definitiva de persoas admitidas, a resolución definitiva de exencións, a resolución definitiva de probas adaptadas e as cualificacións definitivas da proba de acceso poderase interpor recurso dealzada no prazo dun mes ante o director ou a directora xeral de Formación Profesional e Ensinanzas Especiais da Consellería de Educación e Ordenación Universitaria, segundo o disposto nos artigos 114 e 115 da Lei 4/1999, de modificacións da Lei 30/1992, de réxime xurídico das administracións públicas e do procedemento administrativo común.

#### *Disposicións adicionais*

Primeira.-*Información e orientación do proceso de realización das probas de acceso.*

Todos os institutos de educación secundaria e centros integrados de formación profesional que impartan ciclos formativos de formación profesional deberán ofrecer ás persoas interesadas información e orientación sobre

estas ensinanzas, así como sobre o procedemento de inscrición e desenvolvemento das probas de acceso.

Segunda.-*Corrección do documento oficial de identidade.*

De se detectaren erros no número do documento de identificación (DNI, NIE, pasaporte ou documento de identidade dun Estado da Unión Europea), poderase solicitar a súa corrección en calquera momento a través dunha reclamación, segundo o modelo de solicitude dispoñible no anexo IV desta resolución e na páxina web <http://www.edu.xunta.es/fp>. A esta solicitude deberálle achegar unha fotocopia do documento de identificación, e deberá estar asinada polo director ou a directora do centro, que enviarán por vía de urxencia a reclamación orixinal presentada na secretaría do centro á Subdirección Xeral de Xestión e Calidade da Formación Profesional. Non será necesario que o centro realice trámite adicional ningún coa aplicación informática.

#### *Disposición derradeira*

Esta resolución entrará en vigor o mesmo día da súa publicación no *Diario Oficial de Galicia*.

Santiago de Compostela, 7 de xaneiro de 2009.

Antonio Vázquez Vázquez  
Director xeral de Formación Profesional  
e Ensinanzas Especiais

#### ANEXO I

Certificado de estar a cursar un programa de cualificación profesional inicial. Ano: \_\_\_\_\_

|  |
|--|
| Don/dona....., secretario/a do IES/CIFP....., provincia de .....   |
| <b>CERTIFICA</b>   |
| Que don/dona ..... con DNI..... está a cursar un programa de cualificación profesional inicial, o que lle permite solicitar a exención da parte científico-técnica nas probas de acceso a ciclos formativos de grao medio convocadas pola Administración educativa da Comunidade Autónoma de Galicia. Poderá, xa que logo, obter o certificado de superación dos módulos obrigatorios do PCPI, antes do día de realización da proba de acceso, sempre que supere a mencionada ensinanza. |
| ..... de ..... de .....  |
| Visto e prace<br>O/a director/a  |
| Asdo.:   |
| Selo do centro   |
| O/a secretario/a:  |
| Asdo.:   |

#### ANEXO II

Certificado de superación do programa de cualificación profesional inicial. Ano: \_\_\_\_\_

|   |
|---|
| Don/dona....., secretario/a do IES/CIFP....., provincia de .....  |
| <b>CERTIFICA</b>  |
| Que don/dona ..... con DNI..... superou os módulos obrigatorios do programa de cualificación profesional inicial, o que lle permite a exención da parte científico-técnica nas probas de acceso a ciclos formativos de grao medio convocadas pola Administración educativa da Comunidade Autónoma de Galicia, segundo o establecido no artigo 11.3º c) da Orde do 2 de decembro de 2008 pola que se regulan as probas de acceso aos ciclos formativos de formación profesional. |
| ..... de ..... de .....   |
| Visto e prace<br>O/a director/a   |
| Asdo.:  |
| Selo do centro  |
| O/a secretario/a:   |
| Asdo.:  |

## ANEXO III

**Organización en opcións da parte específica da proba a ciclos formativos de grao superior, en función da familia profesional a que se desexe acceder**

| Opcións segundo familias profesionais derivadas da LOXSE   | Opcións segundo familias profesionais derivadas da LOE   | Materias de referencia do bacharelato  |
|--|--|--|
| <b>Opción A</b>  |  |  |
| Administración.<br>Comercio e márketing.<br>Hostalaría e turismo.<br>Servizos socioculturais e á comunidade.<br>Comunicación, imaxe e son (só o ciclo de «produción de audiovisuais, radio e espectáculos»).   | Administración e xestión.<br>Comercio e márketing.<br>Hostalaría e turismo.<br>Servizos socioculturais e á comunidade.<br>Imaxe e son (só o ciclo de «produción de audiovisuais, radio e espectáculos»).   | Materias da opción A:<br>Economía da empresa.<br>Lingua estranxeira (francés ou inglés).<br>Filosofía e cidadanía. |
| <b>Opción B</b>  |  |  |
| Actividades marítimo-pesqueiras (agás o ciclo de «produción acuícola» ).<br>Artes gráficas.<br>Edificación e obra civil.<br>Electricidade e electrónica.<br>Comunicación, imaxe e son (agás o ciclo de «produción de audiovisuais, radio e espectáculos» ).<br>Fabricación mecánica.<br>Madeira e moble.<br>Informática.<br>Mantemento e servizos á produción.<br>Mantemento de vehículos autopropulsados.<br>Téxtil, confección e pel (agás os ciclos de «curtidos» e «procesos de ennobrecemento téxtil» ).<br>Vidro e cerámica. | Artes gráficas.<br>Edificación e obra civil.<br>Electricidade e electrónica.<br>Imaxe e son (agás o ciclo de «produción de audiovisuais, radio e espectáculos» ).<br>Enerxía e auga.<br>Fabricación mecánica.<br>Informática e comunicacións.<br>Instalación e mantemento.<br>Madeira, moble e cortiza.<br>Marítimo-pesqueira (agás o ciclo de «produción acuícola» ).<br>Transporte e mantemento de vehículos.<br>Téxtil, confección e pel (agás os ciclos de «curtidos» e «procesos de ennobrecemento téxtil» ).<br>Industrias extractivas.<br>Vidro e cerámica. | Materias da opción B:<br>Debuxo técnico.<br>Tecnoloxía industrial.<br>Física.                                      |
| <b>Opción C</b>  |  |  |
| Actividades agrarias.<br>Actividades físicas e deportivas.<br>Imaxe persoal.<br>Industrias alimentarias.<br>Actividades marítimo-pesqueiras (só o ciclo de «produción acuícola» ).<br>Química.<br>Téxtil, confección e pel (só os ciclos de «curtidos» e «procesos de ennobrecemento téxtil» ).<br>Sanidade.   | Agraria.<br>Actividades físicas e deportivas.<br>Imaxe persoal.<br>Industrias alimentarias.<br>Marítimo-pesqueira (só o ciclo de «produción acuícola» ).<br>Química.<br>Seguridade e ambiente.<br>Téxtil, confección e pel (só os ciclos de «curtidos» e de «procesos de ennobrecemento téxtil» ).<br>Sanidade.  | Materias da opción C:<br>Ciencias da terra e ambientais.<br>Química.<br>Bioloxía.                                  |

## ANEXO IV

**Solicitude de corrección do documento de identificación.  
Probas de acceso aos ciclos formativos de formación profesional específica**

Don/dona \_\_\_\_\_, que presentou a solicitude para probas de acceso aos ciclos formativos de formación profesional específica no IES/CIFP \_\_\_\_\_ e figura na aplicación informática co seguinte número de DNI/NIE/pasaporte \_\_\_\_\_, solicita a súa corrección e substitución polo número de identificación \_\_\_\_\_, para o cal achega fotocopia deste.

..... de ..... de 200.....

Asinado: .....

Visto e prace:  
O/a director/a do centro

Asinado: .....